



# Fréttabréf Naustaskóla

7. tölublað, 3. árgangur, 16. ágúst 2010

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

## Lykilorð í mentor

Vanti foreldra ný lykilorð í mentor er hægt að fá þau send beint af vefsíðu mentor.is með því að slá inn kennitölu viðkomandi. Einnig er hægt að snúa sér til ritara skólans.

## Fjöldi nemenda:

Innritaðir nemendur skiptast þannig á árganga:

1. bekkur: 31 nemendur
2. bekkur: 34 nemendur
3. bekkur: 30 nemendur
4. bekkur: 30 nemendur
5. bekkur: 22 nemendur
6. bekkur: 18 nemendur
7. bekkur: 16 nemendur
8. bekkur: 16 nemendur

Alls 197 nemendur

## Kæra skólasamfélag



Naustaskóli er nú að hefja annað starfsár sitt og er sannarlega mikill hugur í okkur að halda áfram að þróa og móta skólann okkar. Starfsfólk skólans er þessa dagana að undirbúa skólastarfið, sitja námskeið og búa í haginn svo allt verði tilbúið þegar nemendur mæta til starfa í næstu viku. Skólastarfið hefst með viðtölum með líku sniði og í fyrra þar sem umsjónarkennarar hitta nemendur og foreldra og leggja grunninn að starfinu í vetur. Með fréttabréfinu eru sendir út viðtalstímar og skráningarblað sem foreldrar eru beðnir um að skila þegar mætt er til viðtals. Eins og sjá má hér til hliðar hefur fjölgað töluvert hjá okkur frá fyrra ári og þegar þetta er skrifað eru 197 nemendur innritaðir í skólann. Starfsfólki hefur auðvitað fjölgað að sama skapi og eru starfsmenn skólans nú orðnir alls 35 talsins. Við bjóðum nýja nemendur, foreldra og starfsmenn að sjálfsögðu velkomna til samstarfs og væntum þess að eiga gott og farsælt samstarf í vetur og um ókomin ár.

Megintilgangur þessa fréttabréfs er að miðla upplýsingum um upphaf skólastarfsins, við biðjum foreldra um að lesa vel þær upplýsingar sem er að finna á bls. 2, auk þess bendum við á heimasíðu skólans þar sem finna má helstu upplýsingar um skólann.

Með von um farsæla skólabyrjun og að lífið verði alveg hreint dásamlegt í Naustaskóla veturinn 2010-2011.

Ágúst Jakobsson

## Ágúst 2010

Sun	Mán	Þri	Mið	Fim	Fös	Lau
22	23 <b>Viðtalsdagur</b> Frístund opnar  (Soðinn fiskur með kartöflum, rófum og tómatsósu)	24 <b>Viðtalsdagur</b> Frístund opin  (Matmikil kartöflu-mauksúpa með ný-bökuðu baguette)	25 <b>Kennsla hefst skv. stundaskrá</b>  Þorskur á hrísgrjónabeði, salat og sósa	26 Gullash í brúnni, salat og hrísgrjón	27 Hrísgrjónagrauttur, brauð og álegg	28
29	30 <b>Útivistardagur</b> Soðinn fiskur m/ kartöflum, tómötum, gúrkum og laukfeiti	31 Kjötballur, kartöflur, Bildudals-grænar og sósa		Dagskrá útivistardagsins 30. ágúst verður nánar auglýst síðar en gert er ráð fyrir að skóladagur nemenda endi á hádegi þann daginn.		



## Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

### Hagnýtar upplýsingar / til minnis fyrir foreldra (lesa vel)

- Tímasetningar haustviðtala við umsjónarkennara dagana 23. og 24. ágúst má finna á yfirlitsblaði sem sent er út með fréttabréfinu en má einnig finna á heimasíðu skólans. Ef tímasetning viðtals hentar alls ekki má hafa samband við ritara skólans og biðja um breytingu á viðtalstímanum.

- Fyrir viðtöl við umsjónarkennara mælumst við til þess að foreldrar og nemendur skoði sameiginlega leiðsagnarmatið sem afhent var í vor (það má líka nálgast það í mentor). Foreldra nýrra nemenda við skólann biðjum við líka um að setjast niður með börnum sínum og undirbúa viðtölin með því að ræða saman um það sem framundan er. Gott getur verið að byrja á því að ræða eftirfarandi spurningar:

- Hvernig líst þér á að byrja í Naustaskóla?
- Heldur þú að eitthvað verði erfitt í nýja skólanum?
- Í hverju ertu best/ur?
- Í hverju langar þig að vera góð/ur?
- Hvernig finnst þér/lykkur að heimanámið eigi að vera?
- Hvað finnst þér gaman að gera í frímínútum?
- Áttu vin/vini sem er að fara í Naustaskóla?
- Hver eru helstu áhugamál þín?
- Hvaða markmið gætum við sett fyrir veturinn?
- Fleira sem ykkur dettur í hug að gott sé að komi fram í viðtali við kennarann...??

#### Naustaskóli - símaskrá

460 4100 Aðalnúmer -ritari  
 460 4111 Frístund  
 460 4110 Fífilbrekka - leikskóladeild  
 460 4101 Skólastjóri beinn sími  
 460 4102 Deildarstjóri beinn sími  
 460 4106 Námsráðgjafi  
 460 4112 Skólahjúkrunarfræðingur  
 460 4103 Kaffistofa  
 460 4105 Vinnustofa kennara 6.-8.b  
 460 4109 Vinnustofa kennara 4.-5.b  
 460 4115 Vinnustofa kennara 1.-3.b

- Gert er ráð fyrir að allir nemendur séu í fæði í mötuneyti skólans alla virka skóladaga, því þarf ekki að skrá nemendur í mötuneytið. Ef ætlunin er hins vegar að einhver nemandi nýti sér ekki þjónustu mötuneytisins alla daga þurfa foreldrar að hafa samband við skólann og skrá nemandann úr fæði eða skrá á tiltekna daga. Breyta má skráningum í mötuneyti skólans í vetur með mánaðar fyrirvara.

- Sem fyrr er boðið upp á ávaxtaáskrift fyrir nemendur þannig að þeir þurfa ekki að hafa með sér nesti. Einnig er boðið upp á mjólkuráskrift fyrir þá nemendur sem vilja hafa með sér nesti eða vilja geta fengið sér mjólkurglas. Gjald fyrir þessa þjónustu verður innheimt einu sinni á önn, í byrjun október fyrir haustönnina, og verður væntanlega 5000 kr. fyrir ávaxtaáskriftina og um 2100 kr. fyrir mjólkuráskriftina. Þeir sem óska eftir þessari þjónustu merki við tilheyrandi reiti á Neyðarkortunum.

- Eins og í fyrra biðjum við foreldra um að aðstoða okkur við að tryggja öryggi barnanna á leið þeirra í skólann með því að annast gangbrautavörslu við gangbraut yfir Kjarnagötu, við bílastæði skólans. Þeir foreldrar sem geta tekið að sér eins og eina viku í gangbrautavörslu í vetur á tímanum 7:45-8:10 eru beðnir um að senda tölvupóst til skólans og bjóða fram krafta sína, netfangið er naustaskoli@akureyri.is

- **Munið eftir að fylla út neyðarkortin og taka þau með þegar þið mætið í viðtal til umsjónarkennara.**

- Þegar nemendur og foreldrar mæta til viðtala verður hægt að máta og panta peysur og boli með merki skólans hjá ritara.

- Í haust verða tveir kennaranemar við nám og störf hjá okkur, mest í 4.-5. bekk. Hugmyndin er að þær muni sitja nokkur viðtöl við foreldra og nemendur í þessum árgöngum nú í upphafi vetrarins. Ef foreldrar vilja síður hafa nema viðstadda í viðtölunum er þeim að sjálfsögðu frjálst að biðjast undan því með tölvupósti til umsjónarkennara eða með því að bera upp þá ósk þegar mætt er í viðtalið.

- Nú er starfandi námsráðgjafi við skólann og eru foreldrar/nemendur hvattir til að koma við eftir viðtölin, spjalla við námsráðgjafa og athuga hvaða þjónusta er í boði þar.

- Skólinn opnar sem fyrr kl. 7:45 að morgni en kennsla hefst kl. 8:10 hjá öllum nemendum.

**Næsta fréttabréf kemur út 1. september**